

11 AUG 2001

Pesawat-tanggung

PESAWAT RINGAN UBAH JADUAL DAN LALUAN AKIBAT RIBUT TROPIKA

Oleh: Rozaini Ahmad

VIENTIANE, 11 Ogos (Bernama) -- Ribut tropika Usagi, yang dijangka melanda Vietnam dalam tempoh 48 jam ini, memaksa dua pesawat ringan Eksperimental Zodiac Rakan Muda yang menyertai Penerbangan Muhibbah Asean 2001 mengubah jadual dan haluan penerbangan mereka.

Pesawat Zodiac 9M-ERM, yang sepatutnya berlepas dari ibu negara Laos ini menuju ke Hanoi esok, terpaksa mengubah penerbangan mereka ke Phnom Penh, Kemboja Selesa ini.

Pengurus ekspedisi Abdul Latiff Endot berkata ribut tropika Usagi, yang membawa hujan lebat dan angin kencang, dijangka melanda kawasan pantai Vietnam dalam dua hari ini dan boleh membahayakan kedua-dua pesawat itu.

"Bagaimanapun pesawat pengiring CN235 yang membawa tujuh krew Tentera Udara Diraja Malaysia (TUDM), lapan wartawan dan sebahagian peserta ekspedisi akan meneruskan penerbangan ke Hanoi esok.

"Mereka akan menyertai program yang telah diatur di Hanoi termasuk majlis penyerahan wafat jempitan kepada kerajaan Vietnam Isnin ini sebelum berlepas ke Phnom Penh keesokan harinya," katanya kepada pemberita di sini.

Beliau berkata kedua-dua pesawat Zodiac itu akan cuba berlepas ke Hanoi tetapi ia bergantung kepada keadaan ribut itu.

"Sekiranya ribut reda, mereka akan cuba ke Hanoi untuk pergi bersama-sama pesawat CN235 ke Phnom Penh Selasa ini. Jika tidak mereka akan berlepas dari sini," kata Latiff, yang juga Setiausaha Sulit Kanan Menteri Belia dan Sukan Datuk Hishammuddin Hussein.

Sementara itu, peserta Rakan Muda yang sepatutnya berpeluang bersiar-siar di ruang udara ibu negara Laos mengguna pesawat Zodiac pagi ini, terpaksa membatalkan hasrat mereka akibat hujan lebat sejak semalam, kesan ribut tropika Usagi yang mula terasa di sini.

Ekspedisi Penerbangan Muhibbah Asean 2001 menerusi laluan udara selama 17 hari melibatkan perjalanan lebih 4,000 batu nautika melalui Myanmar, Vietnam, Kemboja dan Thailand.

Ekspedisi itu, yang masuk hari ketujuh, adalah untuk menjemput secara rasmi negara-negara Asean mengambil bahagian dalam Sukan SEA XXI yang akan berlangsung di Kuala Lumpur bulan depan.

Ia juga sebagai mengamal budaya timur dengan datang sendiri menjemput tetamu selain menyemarakkan lagi semangat Asean.

Ekspedisi penerbangan Muhibbah Asean 2001 dilancarkan Perdana Menteri Datuk Seri Dr Mahathir Mohamad di Pangkalan TUDM Sungai Besi pada 14 Julai lepas.

-- BERNAMA

JAI AKT AZZ NAK